



LOU


CAMIN DE FERRI

DE MARSIO A AVIGNOUN,

POUENO A LA VAPOUR,

PER
J^U DESANAT.

A M. PAULIN TALABOT.



MARSEILLE.

TYPOGRAPHIE DES HOIRS FEISSAT AÎNÉ ET DEMONCHY,
IMPRIMEURS DE LA VILLE ET DU COMMERCE,
rue Canebière, 19.

1843.


LOU
CAMIN DE FERRI

DE MARSIO A AVIGNOUN,

POUENO A LA VAPOUR,

PER
J^U DESANAT.

A M. PAULIN TALABOT.



MARSEILLE.

TYPOGRAPHIE DES HOIRS FEISSAT AÎNÉ ET DEMONCHY,
IMPRIMEURS DE LA VILLE ET DU COMMERCE,
rue Canebière, 19.

1843.

LOU
CAMIN DE FERRI

DE

Marsio à Avignoun,

POUËMO A LA VAPOUR.

APRÈS ben de cançans , de courso et d'esperanço ,
De desapouintamen et de perseveranço ,
Lou camin aoura lué, l'a plus à n'en douta ;
Nouestreis representans venoun de lou vouta .
Pamen l'a tout fougu ; car certens hounourable
Parleroun su d'un toun méchant et deplourable ;

Caouqueis tribuns inquiets au fa veiré aou grand jour
L'extremo jalousié doou Nord per lou Miéjour.
A caouso qu'un péys a de chanço prouspèro ,
Lou diable leis patino , aco leis desespèro ;
Mai fouart herousamen que la majourita
Li prouvé qu'avien pa touto l'aoutourita.
Cerqueroun de bouffa lou vent de la tempesto
Per un ajournament qu'aourié pourta la pesto ;
Graço à l'immenso appui deis homme coloussaou ,
Sigueroun enleva dins lou quatrièmo assaou ;
A seis declamatiens fagueroun la cambetto ,
Chapouteroun *Cordier* aoutant prin que *Lherbetto*.
Moussu TESTO , homme expert que saou nouestreis bésouns ,
En repliquen prouvé que n'avien pa résoun ;
Tandis que TALABOT , per sa justo logiquo ,
Refuté mot à mot , d'uno voix energiquo ,
Caouqui faits persounels que voulien l'imputa ;
Saché faire valé soun dret de deputa ,
Et nouestreis ennemis , que déjà si flattavoun ,
Si vegueroun battus coumo lou meritavoun.

L'homme qu'a de renom , de talent et long bras ,
Trioumphi et saou tira seis amis d'embarras ,

Et toutis leis cançans , fruits de la caloumnio ,
Fouou que metoun lou pouce en faço doou genio.

Hounour, gloiro eis Coutaous qu'an presta soun counours !
Senso ellis , leis travai n'aourien pas pres soun cours.
A tort coumo à travers , per crento et per suspresso ,
Voulien paralysa la plus bello entrepresso ,
Et se prenguessoun pas contro eleis lou malan ,
Enjusqu'à l'an que ven nous leissavoun en plan.
L'a d'hommes qu'en tout temps ni fan ni leissoun faire ;
Fagueroun meme agi , per entrava l'affaire ,
Jusqu'à de Lyonnès , à Paris en missien ;
Agueroun l'air de faire aoussi sa soumissien
Em'un toun decida , dins l'espouar de suspendre ;
Cresien doun que l'avié qu'à si beissa , n'en prendre ?
Senso mai de façoun , venien per s'empara
Doou mouçeu qu'à grands fres d'aoutre avien prépara !
Saches , mounoupoulurs , vapourous navigaire ,
Qu'un paoure homme aou Counseou souvent l'escoutoun gaire ;
D'un refus sot et court n'en eria prevengu ,
Et Jean si retourné tout coumo ero vengu.
Un dret qu'es maou founda facilamen si bravo.
Bessai que vendran plus , aro , mettre d'entravo ;

Leis ouppousan famous leis an anéantis,
Aou camin desira pouedoun planta d'ootis.
Definitivamen dien que la Chambre haouto
D'un injuste retard a repara la faouto :
Ven d'approuva lou plan, d'après ce que parey ;
Dien tanben qu'es signa per PHILIPPO lou Rey :
Lou Bulletin dei Leis va douna l'ourdounanco.
Vengue d'homme et de bras ! manquo pas de finanço ,

Cinquanto-doux milliens proumes van s'espandi ;
La bourso deis ouvriers a de qué s'arroundi ;
Entreprenours maçouns an degu vous instruire
Qu'aves tres viaduc fouesso long à counstruire.
Fes vouesto soumissien ; qu saou ? bessai deman
Vous van signiffia de li mettre la man
Et puis leis pichouns pouents , reviramen de drayos ,
Vouto deis aqueduc , constructiens de muraïos ,
La tanben de remblais de cinquanto façouns
Que reclamoun la tiblo et loou souin deis maçouns.
Devoun roumpre , boula refaire de bastidos ,
Leis tranchados souvent leis foudra revestidos ;
En prenen de la fin jusqu'aou pouin doou depart ,
Presenta-vous , deis lots n'en aoures vouesto part.

Venes , habile ouvrier , vous manquera pas d'obro ,
Homme labourious , bouen traçaire , manobro ,
Robuste campagnards , paysan et terrassié ,
Ginouves desuvra , minour et roucassié ;
Foudra que rabayes , dins d'ouvragi d'Herculo ,
Rouino , gres , tuf , sablas , valloun et mounticulo.
Deves en aqueou champ ges faire de quartier ;
Aouran aoussi besoun de fouar pasto-mourtier ,
De pourtur aou bayard et de bouen palegeaires ,
De noumbrous toumbareous , eme caouqueis fourgaires.
Arribas per milliés , lou noumbre li fa ren ,
Li manquo pas de pra , de vigno , de terren ,
Qu'esperoun de l'eissado un darnié coou de graço ;
Leis piquets soun plantas , vous indiquoun la traco
Deis jalouns alignas que vous foudra segui.
Travailla de bouen couar , nous fagues pas languï ,
Et leis piqurs en chef , quan faran sa tournado ,
Poudran vous aoumenta lou pres de la journado.
Din aqueleis chantié vous paousares jamai.
A parti de San-Carle à la Bello-de-Mai ,
Ver San-Barthelemy , prochi deis Aygalados ,
Deves rendre en passen leis pentos nivelados.
Faou que vouestre vigour abatté d'oolivié ,
De gros pins dins lou gres , de coucho de gravié ,

Mai pui ver Sant-Henri , la plus terriblo attaquo ;
Es quand esventrares la roquo de l'Estaquo ;
Es aqui que veiren bria leis homme fouart ,
Redoubla de couragi et pioucha de bouen couar ,
Arma d'acier foundu , d'esquaire et de patienco ,
Executa de plan dirigea per la scienco ,
Faire jugua la mino et sourti daou cerveou
L'alignement parfet , qu'indiquo lou niveou.

Mourre majestuous doou valloun de la Nertho ,
Un homme intelligent ti va douna l'alerto ;
Ti vas veire abeissa toun ourgui troou poumpous ,
Faran su toun esquino uno ligno de pous.
Fouu que cade cent pas , lou long ferri que traouquo
Fague d'intre ta car restenti sa voix raouquo.
Ti flattes que sies dur , seran plus dur que tu :
L'acier trempa , la poudro et lou marteou testu ,
Din caouque jours deici , pouedi ti va proumettre ,
Aou caprice de l'art devoun t'ana soumettre ;
Car leis terriblo man que ti van renversa ,
N'es pas lou proumier coou que n'an bouleversa ;
Din teis venos saouran faire de largeo entaillos ,
Ti chapoutaran mies que leis peiros de taillos ,

Et toun ventre cura , fourmidable bouyeou ,
Eis fugitieux wagouns servira de tuyeou .
S'escupissies leis flots de caouquo source vivo ,
An pres de precaoutien , seran su lou qui vivo ,
Leis poumpous jugaran ; l'hydraulique mouyen
Leis saoura garanti doou mendre sang bouyen ;
L'armado deis minurs marchara senso oubstacle ,
Et se t'erès proumes un fachous espetacle ,
En lançen de teis flancs un lac empachatieou ,
Refrescaras lou ben gresia per l'estieou .
Saben que de cava la Nertho jusqu'eis Penos ,
N'es pas tout un , l'aoura de susour et de penos ;
Maougra qu'aouran d'ooutis tranchans et de ciseous ,
Aquo s'enfilo pas tan ben que leis rouseous .
En li reflechissen , semblo incoumprehensible
De n'en veire uno fin ; mai ren n'es impoussible
Aou fier Ingeniour que deou tout nivella .
D'aoutre aou proumier abord serien engavella ;
Avant d'entamena leis cavita proufundo ,
Lou nas li saounarié , farien juga la soundo ;
De pouu d'estre arresta per caouque marri pas ,
Proumenarien dex ans soun eternal coumpas ,
Surtout prochi doou pouin monte l'arrest si trovo :
Mai moussu TALABOT , homme qu'a fa seis provo ,

Jugeo tout d'un abord em'un soulet regard :
N'an vis l'echantilloun à soun Camin doou Gard.
Es ren de n'en parla , l'admiratien reboumbo ,
Un coou que l'ave vis enjusqu'à la Grand-Coumbo ;
Si poou pas countempla de plus rare tableou ,
Poude dire en parten que l'arribares leou !
Oh ! quinto enchantamen ! En sourten de Beoucaire ,
Leis regards affama si viroun de tout caire ;
Vous dounoun pas lou temps : à peno sias parti ,
Qu'un esfrayant siblet en courrent averti
Qu'uno pouplatién immenso et fugitivo
Din de wagouns secuto uno locomotivo ,
Grando caisso de fué , d'aiguo eme de carboun ,
Que vous fa vouyagea senso ressaou ni boun ,
Asseta su de plancho elegante et seguros.
Si poou pas distingua la coulour deis figuros
Deis curious attroupa que bordouu leis talus ;
A peno soun aqui , subran leis veses plus ;
Aoutant proumpt qu'un uyaou , tout lou counvoi s'esbigno.
Leis fres plans d'ouoliviers , gara , luzerno , vigno ,
Que charmoun lou coou d'ui dins un champ descubert ,
En passent l'on vis pas se soun blanc , gris ou vert.
Avant d'estre aou Tunnel , à peno cridoun : Gueiro !
Qu'aves déjà franchi leis carriero de peiro ;

Pui passa coumo un vent de pouents improuvisas ,
Elegamment bastis , toutis ben divisas ;
Rescountras en factien à tout pas caouqué gardo ;
Trouva leis estatien de Manduel , Bellogardo ;
Arriba tout d'un coou dins un negre relais.
Aqui , se vouestre but es d'ana veire Alais ,
Un long embrancamen en faço si presento ;
Alors leissa darrié leis campagno risento ,
Escala roundamen su la gaoucho , et quitta
La villo deis Nimois , richo d'antiquita :
D'un camin roucaillous tout dubert dins seis venos ,
Vous van faire arriba dins lou found deis Cevennos ;
Traversa tour à tour et rescountra souvent
De grand roucas à pic courouna d'un divent.
A peno sias sourtis d'uno longuo tranchado ,
Qu'enfilas roundamen de couelo despouchado ,
Et per douna d'ardour à la loucoumoutien ,
Fan beoure la machino en caouqueis estatien.
Tantot vous fan frisa lou beou pouent d'un roulagi ,
Eici d'un viaduc fusa souto un villagi ;
Aqueou vaste perça qu'aluquo lou Gardoun ,
Un counvoi deis plus longs l'embouito d'escoundoun ,
Et n'aves pas plus leou sourti de la mountagno ,
Que vous vias oumbragea per d'aoubre de castagno.

Tout de long, de gazoun, canaous, proupriéta,
Offroun eis vouyageours millo variéta.
Mai tant leou que d'Alais passa l'embarcadere,
Oh ! vouesto admiratien, ben luen que si moudere.
Remarqua su d'haoutours, quia, leis haouts-fourneous
Doun lou fun espessi s'escapo deis bourneous ;
Din de forgeo à vapour bastido eme de briquo,
Lou ferri deis camins à mouloun si fabriquo ;
Prochi deis ateliers n'es talamen garni,
Qu'à l'estrangle péys n'an déjà ben fourni.
L'aboundan minerai que lou wagoun li pouarto,
Dins chaque foundarié l'introun à pleno pouarto,
Bouye dedins lou fuech, en barro si reduit,
Et l'industrio, après, n'en tiro lou proudit.
En passent vias aoussi seis haoutos chamineios
Que deis grando colonno eclipsoun leis merveios ;
Lou gros fun que s'en va d'un traou gaire pichoun,
Formo en mountent aou Ciel un long tiro-bouchoun.
Mai l'alarmant signaou estournedo et fulmino,
Tou lou convoy s'esbranlo et filo jusqu'ei mino ;
Ben que marches d'un pas brusque et precipita,
Lou couar plen d'emoutien si sente palpita,
En pensen qu'an pousqu, dins de méchanto roquo,
Aou bord capricious d'uno rivo barroquo,

Mounté leis pas humains n'en semblavoun prouserits,
Despluga tout de long tant d'audaço et d'esprit.
Lou saoupetro brûlant, espeço de cratèro,
A degu doou granit souvent brisa l'artèro ;
Aoussi, dessus leis bords l'on remarquo brûla
Leis traous redouns d'ounte leis blocs an baroula.
Mai vaqui la Grand-Coumbo eme seis estendudos,
Encadrado aou mitan de seis Alpos toundudos ;
Que de carboun, grand Dieou ! vias pertout regourgea !
Leis fourgeirouns d'Europo aourien de que fourgea,
Talamen de peiras la mountagno n'en raquo ;
Seis pous soun aoutan grand coumo de pousaraquo
N'en tiroun tout lou jour d'énormé toumbareou ;
Su des camin ferra desbouquoun à pareou ;
Tout un pople d'ouvrié travailloun souto terro,
Fan de coke à foisoun milleou qu'en Angleterro ;
Exploitoun tout en grand, tardieou vo matinié,
Leis homme de segur sembloun pas de moounié.

Et puis lou Directour d'aquelei mino richo,
Eou que va ranchéri tant de terren en fricho,
Lou mathematicien aou suprémé degré,
L'habile Ingénieur, noble enfant doou prougré,

Qu'a déjà renversa tant de couelos rebellos ,
Si presento per faire uno obro deis plus bellos ,
Trovo d'ouppositien jusquo din un journaou
Que si dit proutectours doou bouenhur nationaou !
Quand vien que lou poudet cerquo plus de chicano ,
Elleis de soun cousta voueloun manda la canno ;
Si prouclamoun soustiens deis interests publics ,
Pui deis travais urgent n'en soun leis basilics.
Mai , tout en invouquent lou grand mot de patrio ,
An leissa pounchegea lou fin bout de l'ourio :
Dins d'articles vioulens qu'aven touti légi,
Aven fouar ben coumpres per qu'voulien agi....
Basto !... s'arresten plus eis débats de la presso ,
Viren fuillet ; parlen , eïço nous interesso ,
Doou superbe *rail-way* que van executa ;
Fasen-nous de bouen sang , aven proun discuta ,
Leis inquiets, leissen-leis, lou bouen sen van counsio ;
Soungeu que dins quatre ans , en parten de Marsio ,
Pouden , s'aquo nous plai (hormis caouqué guignoun) ,
Dins tres houro arriba jusquo dins Avignoun ,
Desbarqua per milliés vers la *Pichotto-Houstesso* ,
Pourvu que la vapour mantengue sa vitesso.
Mai coumo dins quatre ans semblo un temps inoui,
Van trouva lou moyen de n'en plus leou joui :

Deicito avant vingt mes, se Dieou nous presto vido ,
Moussu lou Directeur TALABOT nous counvido
Dé prendre un omnibus jusquo vers l'Assassin ,
Din dous houros seren aou Coumta Venessin ;
Su lou trouçoun uni veiren plus de coullinos ;
Coustegen Sant-Chamas et l'Estang deis Salinos ,
Un bouen tiers doou camin lou fen en pleno Craou ,
Estendudo de ben-inculto , senso traou.
En Arlé, s'aven fan , li pouden faire uno halto
Et soun sexo attrayant, que transporto et qu'exalto ,
Nous vendran saluda su lou bord doou camin ,
Emé seis beous mourrouns fres coumo un jaoussemin.
Après, nous menaran sur de grando levados
Garantido doou Rhôse , à grands fres enclavados.
Passan aou Grand-Beoumoun ; vers lou Grand-Castelet,
Dont leis chins soun pas bouens quand voyagea soulet.
En leissen de cousta la villo de Beoucaire ,
Traversen lou beou plan doou pays *Tarascaire* ,
Li veiren de Seguin un chef-d'obro estouan ,
Lou grand pouent suspendu qu'a fa din mens d'un an.

Ensin , per la vapour la foulo saménado
Poudra faire souvent de longuò prouménado ,

Visita fouesso endret que n'avié jamai vis,
Lou tout executa dins un temps imprevis.
Se leis loucalita d'accord voueloun s'entendre,
Lou ferri sur lou soou poudra ben mai s'estendre,
Surtout sé dé Paris nous venoun aou davan,
Que touto la Champagno arribé de l'avan;
Tandis que pui Macoun, que soi-disant s'apresto,
Emé leis Lyounes coumpletaran lou resto.
Alors seren segur que dins cinq ans d'eici,
D'ana veire Paris n'aouren plus lou souci.
Caouquis amis vivurs, vouyagent de counservo,
Poudran prendre un couffin de peis de la *Réservo*,
Parti, mangéa lou soir (franc de caouque ressaous)
Lou *bouillabaisse* fin eis Freros—Prouvençaous,
Veire un bel oupera, se mai remettre en curso,
Et puis lou lendeman estre à temps à la Bourso.

Cependant tout aquo l'aouren din paou de tem;
Mai lou public doutous sera jamai counten,
Tant que li diran pas que lou roc si petardo;
D'aluqua leis debuts en fouesso aquo li tardo,
De pousqué visita leis impourtant chantié
Que deou faire enrichi loun pays tout entié.

Leis vieillards impatiens, qu'an péno dé va creire,
Avant dé débana, souhètoun de va veire,
Voudrien avé passa tout l'an quaranto-siei;
Cadun avan lou temps desiro d'estre viei.
Oh! fouu ben l'avoua, leis enventiens nouvellos
Electrisoun leis sens, escaouffoun leis cervellos,
Et la prouspérité d'un beou péys hurous.
Nai doou devouamen deis hommes générous.

Gloiro eis bouens citouyens, bourgès, capitalisto,
Qu'an escrit deis proumiers seis noums dessus la listo
Qu'émé la Coumpagnié, sensó trouu balança,
Din l'especulation au vougu si lança!
Sa louablo intentien, sa sublimo assistanço
Douneroun aou proujet uno grando impourtanço;
Sensó eleis nous vesian bessai rasa de fres,
Saouveroun lou bateou, graço eis actiens qu'an pres.
L'egoïsme avugla, l'espéranço mesquino,
Abeïssé pavayoun et piqué leou d'esquino.
N'es que leis Souscriptours que n'en an vis lou bout,
Sa proumpto decisien a decida dé tout.
Tan dé péys rouina qu'aqueou proujet ranimo,
Un jour leis béniran d'uno voix unanimo;

Entre mitan deis mars qué si van relia,
Lon ben-estre coumun vai si multiplia,
Tant leou que leis counvois van faire soun ooufici,
Cadun proufitara de caouque bénéfice:
Mestre d'hotel, café, marchand, restaourateur,
La plumarés aoussi la poulo à vouestre tour!
Leis poples qué vendran eici leis jours de festo,
Vous faran, sieou ségur, quasi perdre la testo.
Coumerçans, portafai, coumis, carretouniés,
Vous couchares ben tard, et séres matiniés;
Per pouu que boulégues ana faire l'emperi;
Leis colis partiran qué per la vois dé ferri:
Barriquo, boues et gran, houillo, caissos, ballots,
Aoutreifes gooubejas per caouqueis matalots,
Sur terro partiran; d'après touto apparengo,
Un tarif résounable aoura la préferenco,
Et pui lou mouvamén pressant et permanen
De tant de voyagours, leis anen et venen,
Tout aquo va douna de nouvellos ressourço,
Qu'oubtenoun pas toujours leis jugadous de bourso.
A l'houro d'aujourd'hui li manquo pas d'houstaous
Que voudrien ben l'avé placa dé capitaous.

Vaoutré qu'aves un ped chez leis Soumissiounaris.
Réjouissé-vous-n'en, benherous Actiounaris!
Maougra que lou Camin dounara de gros frès,
L'argent qu'aves plaça pourtara d'interès.
L'amendament-Bineau deou calma toutos crentos;
Senso si n'en douta, garantis vouestres rentos;
Et n'aves pas bésoun de vous despoutenta,
S'après *lou dex per cent*, fès la part à l'Etat.
Les actiens sount en vois d'une favour marquado,
V'hui per leis plus pouours soun pertout resercado;
Toutis dessus la listo aro voudrien soun noum,
Lou banquier Fraissinet foou que digué de noum.
Aquel impressamen es d'uno boueno auguro;
Provo que l'entrepreso es puissanto et seguro;
Taou que l'a messo en trin, n'en pouu faire jabot!

Et vous, homme proufound, célébré TALABOT!
Vous que de tout eïço sias lou baille grand-mestré,
Vous qu'anas aougmenta deis poples lou ben-estré,
Per d'ouvragis qu'aouran d'escho dins l'univers,
Souffrès qu'un Prouvençaou vous adreisse seis vers.
N'es pas lou proumier coou que sa vervo s'exprimo
Sur la memo questien : déjà nouu cent vingt rimo

An sourti de soun crus, et n'ero glorieux
Alors que coumbattié dé councurrens sérieux.
Oh! leissa-lou doou men coumpléta soun histoïro :
Es beou de célébra l'esclatanto victoïro
Quand aves partagea seis perilloux dangié !
Vous qu'eis chants doou Miéjour sias luen d'estre estrangié ,
Reçubes , TALABOT , l'ouuffrando doou pouèto ;
N'en sera mai que fier ; dé tout couar vous souhèto ,
Gloïro , santa , bouenhur , renoumado , travai ,
Qu'entrélacès partout la Franço de *rail-way* ,
Et qu'un parfum brûlant booumi per la machino
S'estendé de Marsio eis counfins de la Chino !

